

Høyringsuttale (KF-340)



Referansenummer: IUBCI6

Registrert dato: 19.02.2023 16:48:26

Talet på vedlegg: 1

Innleiing

Uttalen blir gjeven

☐ Personleg

☒ På vegner av føretak/lag/foreining

Opplysningar om føretak/lag/foreining

Føretak/lag/foreining

Austrheim og Lindås bondelag

Namn på innsendar

Siv-Marit Rødland

Rolle

Skrivar i Austrheim og Lindås bondelag

Adresse

Steinsvikvegen 16

Postnummer

5955

Poststad

Lindås

Telefon

Telefaks

Høyringsuttale

Høyringsuttale

Velj høyringsuttale:

☒ Strategisk næringsplan, temaplan

Uttale

Innspel til næringsplan Alver kommune 2023-2035

På styremøte i Austrheim og Lindås bondelag 16.02.2023 vart næringsplanen teke opp til diskusjon.

Ved første augekast er dette ein næringsplan som er veldig vridd mot industrien på Mongstad. Me synes kanskje informasjonen i planen er litt mangelfull, og me stiller oss undrande til kven som har gitt innspel til denne planen frå landbruket si side. Det er ikkje oss kjend at landbruksorganisasjonane vart teke med i denne prosessen. Med tanke på at me har fleire lokale bondelag, samt småbrukarlag og landbruksfagleg råd i kommunen, synes me at det er leit at desse laga ikkje har blitt tatt med i arbeidet.

Me ser og har forståing for at det er industrien på Monstad som har størst sysselsetjing i kommunen, men me hadde sett at landbruket som næring hadde fått meir fokus med tanke på ringverknadane sysselsetjinga i landbruket gjev. Kvar dag nyttar me oss av dyrlegar, entreprenørar, servicepersonell og liknande som går inn under tenesteytinga i kommunen. Landbruket er nemnd i planen, men me har ei kjensle av at det er lite fokus på landbruket si rolle i kommunen når det kjem til kva tiltak kommunen vil iverksette.

Det er ikkje berre i forhold til å oppretthalde andre næringar me har ei viktig rolle, me er òg viktig når det kjem til det grønne skiftet og ikkje minst biosfæreområdet me har i Nordhordland. Det er ikkje mykje å syne fram til turistar dersom omgjevnadane gror att, og me trur at landbruket kan vere noko av løysinga når det kjem til det grønne skiftet. Det er heller ikkje tatt med i betraktning landbruket si rolle i ei eventuell krigstid. Det er nemnd at Monstad er vitig med tanke på olje og gass, og at dette har kome ekstra i fokus etter krigen braut ut i Ukraina, men kva med mattryggleiken, og beredskapen generelt i kommunen?

Me ser at kommunen har notert seg utfordringar knytt til landbruket i framtida, slik som til dømes klimaet, og den avgrensa storleiken på bruka i kommunen . Dette stiller me oss bak. Me driv mange, men små og tungdrivne teigar som gjer det utfordrande for oss å kunne bli større i areal, og me må difor stelle godt med den jorda me har. Me

saknar meir konkrete tiltak frå kommunen si side når det kjem til utfordringane me står ovanfor når det kjem til klimaet. I tillegg skulle me gjerne sett kva kommunen tenker i forhold til å behalde mjølkeproduksjonen i kommunen i framtida. Landbruket står framfor store endringar i åra som kjem, og mjølkeproduksjonen er særst utsett. Dette er sjølvne berebjeilka i norsk landbruk, og den er ekstra viktig her i våre område, der gras til dyrefôr er det me kan klare å produsere på våre ressursar.

Så for å oppsummere: Me ser lite konkrete tiltak som omfattar landbruket i denne planen. Det står eit punkt om å knytte seg meir opp mot matbyen Bergen. Kva næring dette er tenkt å omfatte kjem dårleg fram i tiltaksplanen. Er landbruket ein del av dette? Me er usikre. Av 23 tiltak finn me berre eit konkret tiltak i tiltaksplanen knytt opp mot landbruket, og det er å lage til ei rådgjevingsteneste der bønder hjelper bønder. Det er eit greitt nok tiltak, men ikkje det som skal til for å halde landbruket i Alver levande. Me ser òg at det er planar om å kople opp biosfæreprosjektet med industrien, men ingenting om å ha landbruket som støttespelar.

Me ynskjer også ein kommune som skal vere god og bu og jobbe i, og me vil gjere vårt for å få dette til, dersom forholda ligg til rette for dette.

16.02.23

Styret i Austrheim og Lindås bondelag

Vedlagt dokumentliste

næringsplan.docx